

مدیری: ابن السری
احمد جودت



مؤسسی: ابن السری
مصطفی نامق

آشیان

أدب، علمی، أخلاقى هفتهاق مجمرء در

تاریخ تأسیسی ۱۳۲۶—۱۳۲۴

۲۸ آغستوس، ۱۳۲۴

نومرو ۱

استانبول

محل اداره سی: باب عالی جاده سنده دائرة مخصوصه

شرکت مرتبیه مطبعه سی

۱۳۲۴

بنی رفیقم هو بره رباط ایدن دوستلق پک غریبدر. بو طبعاً بر برینه مخالفه.
 بری دیکرینک اوسقنده درین، خشین، آمرانه بر نفوذ مالک ایکی چوجوق
 آره سنده تا مکتب رحله لرنده باشلایان بر آرقداشلقدی. بونفوذ ایله او، برکون
 بنی حقسز یره جزالاندیرمق ایستنه بر معلمه قارشى بوتون صنف ایچنده
 مدافعه ایتدی. اک بویوک اون ایکی یاشی کچمه بر اوسلو وقورقاق بر صنف خلقی.
 آره سنده بو حرکت، بویوک بر قهرمانلقدی. بونکله باشلایان حق حایه بنی نهایت
 کندى فرقه سیله بر لکده طوپ اوینامه لغمه مساعده ایتک صورتیله تأید ایتشیدی.
 کندینه قارشى بسله دیکم حس تقدیر و حرمت اولماسه یدی بوشرف بلکه نفسمه
 کران کلیردی. چونکه هو بر؛ متحکم، خشین بر چوجوقدی. فقط خلقه تنده او یله
 بر میل استقامت وعفت واردی که کندینی ایستیر ایسته مز سودیریر؛ قلبنده
 مکنوز اولان سخاوت بزم کی چوجوقلری حیرتده بر اقیبر؛ سودکیرینه، بیچاره
 بر آرقداشنه، حتی آشاغی صنفده کیلره او یله انساجه معامله لر ایدردی که بوتون
 سرتلکلری، بوتون خوشونتاری بر آنده اونوتولوردی. یوقاری صنفلرک بزدن
 بویوک طلبه سنه قارشى بز اونک یاشیله متناسب اولمیان کنیش اوموزلریله، کوتلی
 جته سیله افتخار ایدردک؛ خواجهلره قارشى کندینه مخصوص اطوار یله صانکه
 بزم ضعف و انقیاد مزک انتقامی آلیر کیدی، چوق کچمه دن آرقداشلری
 آره سنده بکا بر میل مخصوص کوسترمکه باشلادی. بن بوکا پرستش
 درجه سنده بر محبتله مقابله ایتدم. آرتق هیچ یانندن آیرلماز اولمشیدم. اونک
 کولککسی، اونک محرم اسراری، اونک آرقداشلر آره سنده منتخبی اولمق شرفیله
 مغرور ایدم. یاشم ایلر لکجه حیاتم دیکشه جک ظن ایدیوردم؛ حالبوکه بویله
 اولمادی. واقعا کنجلمکک بحران وهیجانی آره سنده دوستلغمز دیکشیدی؛ فقط
 بو تبدل شکلاً اولمش، محبتمز بوندن صوکره بر مساوات تامه اساسی اوزرینه
 متین بر صورتده یرلشمشیدی.